

海州文獻錄卷七

州人許喬林編輯

學校錄

謹案唐志成於嘉慶乙丑之冬是時議以新建之石室書院請學政按試試畢仍為書院明年四月學使按臨詳具韓城師公記中邇來應試者數踰千人懷寧王公增建號舍規制益闋矣鹽屬舊有郁洲書院唐志僅寥寥兩行其時本無可敘述也今江夏童公創建敦善書院甲於江淮藏書萬三千卷多士鼓篋景從文風蔚起

海州文獻錄

卷七 學校

一

喬林

安硯石室十有五年而主郁洲敦善之講席者前後將二十年躬逢其盛載筆欣然至

文昌閣之建實為敦善科第祥徵自丁酉九秋書

院經始而鄭生淦即賦鹿鳴庚子初冬

文昌閣甫成而唐生昆基南闡捷報適至天人相

應其機如此因附紀書院之後藉祝吉士掄元

輯學校錄第七

石室書院在州治西北嘉慶壬戌知州善化唐公

仲冕

創建乙丑以書院為試院建號舍八百五十

餘間丙寅提督學政會稽莫公晉

奏准按試海屬駐節於此試竣仍爲諸生肄業之所

道光戊戌知州懷寧王公用賓增建號舍四百三

十餘間又於書院之東新建石橋與院西舊有石

橋相對王公蠲廉倡修董其事者紳士張敦悌王

述古乙茂椿楊殿瑞楊殿珍等蠲貲以集其成

師亮采海州創建試院記禹門文鈔

嘉慶丙寅歲唐觀察仲冕牧海州擴石室書院爲

試院首春經始旋移崇川余於仲春承乏下車而

試期已近亟與博士弟子商榷規制經營輪奐物

土方計徒庸鳩工飭材迄四月初吉而歲事莫寶

海州文獻錄

卷七 學校

二

齋銀臺使節經臨詫爲神工亦此邦人士醇樸尙

義相與有成也次年許君喬林舉江南亞元後十

年余再莅茲土丙子之秋特舉賓興禮萃一州兩

縣之應秋賦者而肩試之親爲評隲甲乙諸生以

次就席歌鹿鳴之詩以侑之又爲架天橋奏雲璈

各貽金粟爲吉徵以許君桂林冠其曹是科淮安

徐州二府屬無得雋者而許君報捷藝林傳爲佳

話此州科名久不振矣自創建試院以來甫十年

而登賢書者同懷接踵世謂督學使者旌麾所至

卽爲奎宿所臨其信然乎余以爲氣運之昌鑠由

於人心之鼓舞官師振而興之俊髦趨而赴之從此不懈益勉烝烝日上豈惟捷南宮登館閣蜚聲科第卽以文章德業彪炳建樹必自茲始余方樂觀其盛因念試院初建時余實經始之不有紀述何以傳遠爰敘其梗概以志不忘

敦善書院在板浦場之東淮北三場舊有天池書院嘉慶中改名郁洲移於板浦爲臨興場大使借居迄今閱三十餘年生童無會課之所道光丁酉海州分司童公擇地鼎建高其閤閣廣其學舍俾負笈者敬業有地樹以松柏桐椿豫儲棟梁之選

海州文獻錄

卷七

學校

三

焉諸生以晉徵士陶淵明先生曾遊東海今雲臺山麓已建專祠景仰高風形諸歌詠因取彭澤集中匪道曷依匪善奚敦之句請改郁洲書院曰敦善書院童公詳定條規並捐備書籍一萬三千卷鈐蓋印信以垂久遠又於書院東隅闢射圃一區中建崇亭繚以周垣春秋佳日桃李向榮菊英晚香爲胸陽文游勝地至三場向有社學昉於前明宏治二年考諸鹽法志已稱久廢並無舊址可稽童公創建於鹽義倉之北凡十二楹延師啟塾實力舉行其南廳三楹爲水龍局創製激桶新設水

夫既富加教兼備不虞要皆票鹽之成效也

文昌閣 魁星閣在板浦場之東坐敦善書院巽方

道光庚子秋江夏童公因海州科第未盛諏吉鼎

建凡傑閣三重高六十四尺上層供文昌像中

層供魁星像雕欄六面映照山川彩雲千霄翬

飛鳳翥閣甫成而唐生昆基鄉舉捷報至識者以

爲文運方新焉